



ATASSUT
Steen Lynge

UPA15/54-1
14.04.2015.

Upernaviup eqqaani nunaqarfimmi Kullorsuarmi timersortarfiliornissamut Naalakkersuisut AIS 2016-mut 25 mio. koruninik immikkoortiteqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Hans Enoksen, Partii Naleraq)

Upernaviup eqqaani Kullorsuarmi timersortarfiliortoqarnissaanik Partii Naleraq sinnerlugu Inatsisartuni ilaasortap Hans Enoksenip siunnersuutaa ATASSUT-mit imaattumik oqaaseqarfigissavarput:

Siullermik ATASSUT-mit erseqqissaatigissavarput Nunatsinni Kommunit aammalu Namminersorlutik Oqartussat qaninnerusumik pitsaanerusumik siunnerfeqarnerusumillu suleqatigiinnissaat assut kissaatigisarigatsigu, Inatsisartunullu qineqqusaarnermi kingullermi tamanna aamma annertuumik sammivarput.

Taamatulli oqareerluta aamma erseqqissaatigissavarput suleqatigiinnerup pitsaanerulernissaanik ATASSUT-mit kissaateqaraluarluta Kommunit namminersortuunerat aamma ataqqigatsigu, taamaammallu Kommunit qulaatiinnarlugit sumi suut sanaartorneqassanersut Inatsisartut aalajangersaasalersinniarneqarnerat ATASSUT-mit tunngavisumik isumaqataaffiginningsigu.

Taamaammatt ATASSUT-mit isumarput malillugu sumiiffinni ataasiakkaani timersortarfiliortoqarnissaanik kissaateqarneq sumiiffimmi Kommunip kissaateqarnera naapertorlugu timitalerneqarsinnaaneranut suliniutit ingerlanneqartarnissaat ATASSUT-mit peqataaffigerusunneruaput.

Taamatut naatsunnguamik oqaaseqaateqarluta ATASSUT-mit matumuuna nalunaarutigissavarput Naalakkersuisut akissuteqaataat tusaatissatut tigugatsigu inassutigissavarpullu siunnersuut taamatut iluseqarluni itigartinneqassasoq.